

登涉符籙一卷

晉葛洪撰

清順治三年宛委山堂刻說郭本

原書版框高一九四毫米 寬一四四毫米

據中山大學圖書館藏本影印

編審 林銳

校對 朱俊芳 謝暉 黃琦琨 張玉華



登涉符錄

晉 葛洪

或問登山之道抱朴子曰凡爲道合藥及避亂隱居者莫不入山然不知入山法者多遇禍害故諺有之曰太華之下白骨狼籍皆謂偏知一事不能博備雖有求生之志而反強死也入山而無術必有患害或被疾病及傷刺及驚怖不安或見光影或聞異聲或令大木不風而自摧折岩無故而自墜落打擊煞人或令人迷惑狂走墜落坑谷或令人遭虎狼毒虫犯

登涉符錄 一

人不可輕入山也當以三月九月此是山開月又當擇其月中吉日佳時若事久不得徐徐須此月者但可選日時耳凡人入山皆當先齋潔七日不經污穢帶梟山符出門作周身三五法又五岳有受殃之歲如九州之地更有衰盛受飛符煞則其地君長不可作也按州公城名錄天下分野災之所及可避不可禳居宅亦然山岳皆爾也又大忌不可以甲乙寅卯之歲正月二月入東岳不以丙丁巳午之歲四月五月入南岳不以庚辛申酉之歲七月八月入西岳

不以戊己之歲四季之月入中岳不以壬癸亥子之歲十月十一月入北岳不須入太華霍山恒山太山嵩高山乃忌此歲其岳之方面皆同禁也入山之大忌正月午二月亥三月申四月戌五月未六月卯七月甲子八月申子九月寅十月辰未十一月巳丑十二月寅入山良日甲子甲寅乙亥巳巳乙卯丙戌丙午丙辰巳上日大吉抱朴子曰按九天秘記及太乙遁甲云入山大月忌三日十一日十五日十八日二十四日二十六日三十日小月忌一日五日十三日

登涉符錄 二

入

二

十六日二十六日二十八日以此日入山必爲山神所執又所求不得所作不成不但道士凡人以此日入山皆凶害與虎狼毒虫相遇也靈寶經云入山當以保日及義日若專日者大吉以制日伐日必死又不二道之也遁甲中經曰欲求道以天內日天內時効鬼魅施符書以天會日天會時入名山欲令百邪虎狼毒虫盜賊不敢近人者出天藏入地戶凡六癸爲天藏六巳爲地戶也又曰避亂世絕跡於名山令無憂患者以上元丁卯日名曰陰德之時一名天心

可以隱淪所謂白日昏々月無光人鬼不能見也
又曰往山林中當以左手取青龍上草折半置逢星
下歷明堂入太陰中禹步而行三呪曰諾臯太陰將
軍獨聞曾孫王甲勿開外入使人見甲者以爲束薪
不見甲者以爲非人則折所持之草置地上左手取
土以傳鼻人中右手持草自蔽左手著前禹步而行
到癸下閉氣而住人鬼不能見也凡六甲爲青龍六
乙爲逢星六丙爲明堂六丁爲陰中也又禹步法正
立右足在前左足在後次復前右足以左足後右足
左足在前左足在後次復前右足以左足後右足
併是一步也次復前右足次前左足以右足從左足
併是一步也次復前右足以左足從右足併是三步
也如此禹步之道畢矣所謂寶日者謂支干上生下
之日也若用甲午乙巳之日是也甲者木也午者火
也乙亦木也巳亦火也火生於木故也又謂義日者
支干下生上之日也若壬申癸酉之日是也壬者水
也申者金也癸者水也酉者金也水生於金故也所
謂制日者支干上克下之日也若戊子巳亥之日是
也戊者土也子者水也巳亦土也亥亦水也五行之

義土克水也所謂伐日者支干下克上之日若甲申
乙酉之日是也甲者木也申者金也乙亦木也酉亦
金也金克木故也他皆倣此引而長之皆可知之也
抱朴子曰入名山以甲子開除日以五色繒各五寸
懸大石上所求必得又曰入山宜知六甲秘祝祝曰
臨兵闔者皆陣列前凡九字常當密行祝之無所不
避要道不煩此之謂也或問曰隱居山澤辟蛇虺之
道抱朴子曰昔圓丘多大蛇又生好藥黃帝將登焉
廣成子教之佩雄黃而衆蛇皆去今帶武都雄黃色
登涉符籙
如雞冠者五兩以上以入山林草木則不畏蛇蛇若
中人以少許雄黃末內瘡中亦登時愈也未入山當
預止於家先學作禁法思日月及朱雀玄武青龍白
虎以衛其身乃行到山林草木中左取三口烝閉之
以吹山草中意思今此烝赤色如雲霧彌滿數十里
中若有從人無多少皆令羅列以烝吹之雖踐蛇蛇
不敢動亦畧不逢見蛇也若或見蛇因向日左取三
烝閉之以舌柱天以手捻都關又閉天門塞地戶因
以物抑蛇頭而手縈之畫地作獄以盛之亦可捉弄

也雖繞頭顙不敢嚙人也若他人爲蛇所中左取三口系以吹之卽愈不復痛若相去十數里者亦可還爲作炁呼彼姓字另祝我左手女祝我右手彼亦愈也或問曰江南山谷之間多諸毒惡辟之有道乎抱朴子答曰中州高源土氣清和上國名山了無此輩今吳楚之野暑濕鬱蒸雖衡霍正岳猶多毒螫也又有短狐一名賊一名射工一名影射其實水虫也狀如鳴鴉狀似三合盃有翼能飛無目而利耳口中有橫物角弩如聞人聲緣口中物如角弩以氣爲矢則登涉符錄 八 五

因水而射人中人身者卽發瘡中影者亦病而不卽發瘡又有沙虱水陸皆有其新雨後及暑暮前跋涉必著人唯烈日草燥時差稀耳其大如毛髮之端初著人便入其皮裏其所在如芒刺之狀小犯大痛可以針挑取之正赤如丹著爪上行動也若不挑之重鑽至骨便周行走入身其與射工相似皆煞人或問涉江渡海辟蛇龍之道抱朴子曰道士不得已而當游涉大川者皆先當於水次破鷄子一枚以少許粉雜香末合攪器水中以自洗濯則不畏風波蛟龍也

武問曰辟山川廟堂百鬼之法抱朴子曰有老君黃庭中胎四十九真秘符入山林以甲寅日丹書白素夜置案中向北斗祭之以酒脯各少少自說姓名再拜受取內衣領中辟山川百鬼萬精虎狼虫毒也何必道士亂世避難入山林亦宜知此法也



登涉符錄

八

六

入山符





抱朴子曰上五符皆老君入山符也以丹書桃版上
大書其文字令滿滿板上以著門戶上及四方四隅
及所道側要處

登涉符錄

八

入山佩帶符

九



登涉符錄

八

十

